

# Herman Hennep a entrega buki nobo na Jossy Mansur

*Bunita storia di "Buscando Felicidad"*



ORANJESTAD (AAN): Dialuna atardi e conocido autor Herman I. Hennep, a haci un bishita di cortesia na Director di DIARIO, Jossy M. Mansur, pa asina haci entrega di su buki nobo, esta "Buscando Felicidad".

E buki ta relata storia di dos hoben estudiante, kendenan ta conoce otro. Pero prome cu nan amistad por florece, nan ta confronta diferente problema.

Mansur a gradici y elogia Hennep pa e buki, cu sigur ta bay contribui na e tesoro di literatura Arubiano na Papiamentu, cu asina tanto e isla tin mester di dje.

Ya caba DIARIO a ricibi hopi peticion di lectornan, interesa pa haya sa unda por cumpra e buki. Aworaki por contact Herman Hennep na su cas na Reamurstraat 13, na Companashi.